



Broj: 02-05-18444-22/13
Sarajevo, 27.06.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na 26. sjednici održanoj 27.06.2013. godine, donijela je sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2013. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
S A R A J E V O

I N F O R M A C I J A
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC MAJ 2013. GODINE

Sarajevo, juni 2013. godine

1. KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu maju 2013. godine, na području Kantona Sarajevo registrovano je 545 krivičnih djela¹ što je za 44 ili 7,5% manje u odnosu na isti mjesec prethodne godine (tabele 2,3).

Od ukupnog broja registrovanih krivičnih djela, 196 ili 36% izvršeno je od strane poznatih, a 349 ili 64% od strane nepoznatih izvršilaca (tabela 1).

Za 122 djela² ili 35% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 48 krivičnih djela iz izvještajnog, a 74 iz ranijeg perioda (tabela 1).

Iz naprijed navedenog proizilazi da su službenici Uprave policije MUP-a KS u mjesecu maju 2013. godine za ukupno 318 krivičnih djela ili 58,3%, identifikovali osumnjičene izvršioce, što je za 6% manje u odnosu na isti mjesec prethodne godine (tabela 3).

(tabela 1.) Osnovni statistički pokazatelji kriminaliteta u mjesecu maju 2013. godine

¹U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 419 obavijesti o događajima u kojima je pričinjena neznatna materijalna šteta (188 više)

² Struktura krivičnih djela za koja su naknadno identifikovani osumnjičeni izvršioци:
teška krađa – 75 djela, krađa – 16, razbojništvo – 15, teška krađa u pokušaju – šest, nasilničko ponašanje – četiri, oštećenje tuđe stvari – dva, razbojništvo u pokušaju, utaja, izazivanje opće opasnosti i prijevara - po jedno djelo.

Broj KD			Broj KD za koja su naknadno identifikovani osumnjičeni izvršioci		Broj prijavljenih lica			Lišeno slobode
Ukupno	od toga		Ukupno	od toga iz ranijeg perioda	Ukupno	od toga		
	po poznatom izvršiocu	po NN izvršiocu				maloljetnici	povratnici	
545	196	349	122	74	247	18	162	96

Zbog postojanja osnova sumnje da su počinili krivična djela prijavljeno je 247 lica (56 manje), od čega su 162 povratnika (21 manje) u izvršenju krivičnih djela (ili 65,6%), 18 maloljetnika (sedam manje), a 96 lica je lišeno slobode (30 manje). (tabela 1).

(tabela 2.) Pregled kriminaliteta na području Kantona Sarajevo u mjesecu maju 2013/12. godine posmatrano po glavama KZ FBiH-a (Sl. novine FBiH-a br. 36/03)

KRIVIČNA DJELA PROTIV	maj 2013.	maj 2012.	uporedba		rasvj. maj 2013.g	
			+/-	%	broj kd	%
Protiv života i tijela	12	18	-6	-33,3%	10	83,3%
Protiv slobode i prava čovjeka i građanina	19	17	2	11,8%	19	100%
Protiv spolne slobode i morala	1	2	-1	-50,0%	1	100%
Protiv braka, porodice i mladeži	21	18	3	16,7%	21	100%
Protiv zdravlja ljudi	35	27	8	29,6%	35	100%
Protiv privrede, poslovanja i sigurnosti platnog prometa	0	3	-3	---	0	---
Protiv imovine	401	441	-40	-9,1%	179	44,6%
Protiv okoliša	0	2	-2	----	0	---
Protiv opće sigurnosti ljudi i imovine	15	8	7	87,5%	11	73,3%
Protiv sigurnosti javnog prometa	4	6	-2	-33,3%	4	100%
Protiv pravosuđa	0	5	-5	---	0	---

Protiv javnog reda i pravnog prometa	31	32	-1	-3,1%	32	103,2% ³
Protiv podmićivanja i krivična djela protiv službene i druge odgovorne funkcije	1	3	-2	-66,7%	1	100%
ZONDINOM-a - Zakon o nabavljanju, držanju i nošenju oružja i municije (Sl.novineKS br.38/07)	5	7	-2	-28,6%	5	100%
UKUPNO	545	589	-44	-7,5%	318	58,3%

U mjesecu maju 2013. godine u odnosu na isti mjesec prethodne, zabilježeno je smanjenje broja registrovanih krivičnih djela za 7,5%. Značajnija smanjenja registrovana su u oblastima protiv imovine (za 40 djela), života i tijela (za šest), itd., dok je povećanje evidentirano u oblasti protiv zdravlja ljudi (za osam), opće sigurnosti ljudi i imovine (za sedam), itd. (tabela 2)

(tabela 3.) Pregled prijavljenih i „rasvijetljenih“ krivičnih djela u maju 2013/12. godine

po policijskim upravama

MJESEC	ORG. JEDINICA	MUP KS u sjed.	I PU	II PU	III PU	IV PU	V PU	ukupno
MAJ 2013. GODINE	BROJ KRIVIČNIH DJELA	33	133	159	83	92	45	545
	BROJ RASVIJETLJENIH KRIVIČNIH DJELA	28	86	61	60	53	30	318
	PROCENAT RASVIJETLJ.	84,8%	64,7%	38,4%	72,3%	57,6%	66,7%	58,3%
MAJ 2012. GODINE	BROJ KRIVIČNIH DJELA	49	126	150	106	94	64	589
	BROJ RASVIJETLJENIH KRIVIČNIH DJELA	47	78	73	77	62	42	379
	PROCENAT RASVIJETLJ.	95,9%	61,9%	48,7%	72,6%	66%	65,6%	64,3%
UPOREDBA	+ / - KD	-16	7	9	-23	-2	-19	-44
MAJ 2013/12. GODINE	+ / - RASVIJETLJ. KD	-19	8	-12	-18	-9	-12	-62
	+ / - % RAS.	-11,1%	2,8%	-10,3%	-0,3%	-8,4%	1,1%	-6%

(tabela 4.) Pregled registrovanih krivičnih djela na području Kantona Sarajevo u mjesecu

maju 2013. godine

ČLAN	KZ	UKUPNO	UKUPNOKD	NN	NI
------	----	--------	----------	----	----

³ Pored „rasvijetljavanja“ svih registrovanih djela iz ove oblasti u mjesecu maju, „rasvijetljeno“ je jedno djelo iz ranijeg perioda (iz člana 362. KZ FBiH-a - nasilničko ponašanje iz mjeseca marta 2013. godine)

			4	349	122
			545		
172	FBiH	TEŠKA TJELESNA OZLJEDA	4	1	0
173	FBiH	LAHKA TJELESNA OZLJEDA	8	1	0
183	FBiH	UGROŽAVANJE SIGURNOSTI	19	0	0
208	FBiH	BLUDNE RADNJE	1	0	0
222	FBiH	NASILJE U PORODICI	21	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DRO	5	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	30	0	0
286	FBiH	KRAĐA	72	59	16
287	FBiH	TEŠKA KRAĐA st 1.tačka a)	212	202	65
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	25	22	10
287/28	FBiH	TEŠKA KRAĐA U POKUŠAJU	9	6	6
289	FBiH	RAZBOJNIŠTVO	43	39	15
289/28	FBiH	RAZBOJNIŠTVO U POKUŠAJU	1	0	1
290	FBiH	UTAJA	7	4	1
293	FBiH	OŠTEĆENJE TUĐE STVARI	21	4	2
294	FBiH	PRIJEVARA	9	3	1
300	FBiH	PRIKRIVANJE	2	0	0
323	FBiH	IZAZIVANJE OPĆE OPASNOSTI	10	5	1
324	FBiH	UNIŠTENJE ILI OŠTEĆENJE VAŽNIH PRIVREDNIH OBJEKATA ILI JAVN	3	0	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA	2	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	3	0	0
337	FBiH	NEUKAZIVANJE POMOĆI OSOBI OZLIJEDENOJ U PROMETNOJ NEZGODI	1	0	0
358	FBiH	SPRIJEČAVANJE SLUŽBENE OSOBE U VRŠENJU SLUŽBENE RADNJE	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	2	0	0
362	FBiH	NASILNIČKO PONAŠANJE	14	3	4
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA	7	0	0
373	FBiH	KRIVOTVORENJE ISPRAVE	7	0	0

⁴ UKUPNO KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršiooci

384	FBIH	PRONEVJERA U SLUŽBI	1	0	0
ZON.	ZON.	ZONDINOM (SL. NOVINE KS br. 38/07)	5	0	0

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA ⁵

Tokom mjeseca maja 2013. godine u ovoj oblasti evidentirano je 12 krivičnih djela (šest manje u odnosu na maj 2012. godine), i to teška tjelesna ozljeda – šest (jedno više) i lahka tjelesna ozljeda – šest djela (tri manje).

Za ukupno 10 djela iz ove oblasti identifikovani su osumnjičeni počinioci i zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 11 lica, a šest je lišeno slobode. Za sada je nerasvjetljeno po jedno djelo teških i lakih tjelesnih ozljeda.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

-

Iz ove oblasti evidentirano je 19 krivičnih djela (dva više) - ugrožavanje sigurnosti, za čije je izvršenje prijavljeno 20 lica, a tri su lišena slobode.

Krivična djela ugrožavanja sigurnosti evidentirana su na području općina: Novo Sarajevo – šest, Stari Grad i Ilidža - po četiri, Novi Grad – dva, Centar, Vogošća i Ilijaš – po jedno djelo, a počinjena su upućivanjem verbalnih prijetnji, pisanjem poruka prijetjećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

-

Iz oblasti krivičnih djela protiv spolne slobode i morala evidentirano je jedno djelo (jedno manje) – bludne radnje za čije izvršenje je prijavljeno jedno lice, koje je lišeno slobode i uz službeni izvještaj predato nadležnom tužilaštvu.

⁵ Dana, 31.05.2013. godine oko 23,00 sati u stanu u ulici Igmanska, općina Hadžići, S. Zahid (1965) je hicima iz lovačke puške iz nepoznatih razloga lišio života K.Feridu (1967), a zatim je istim oružjem izvršio samoubistvo. Kompletirani izvještaj o navedenom događaju dostavljen je Kantonalnom tužilaštvu Sarajevo u nadležnost.

- Zbog postojanja osnova sumnje da je dana 02.05.2013. godine u ulici Umihane Čuvidine, općina Ilidža, počinio krivično djelo **iz člana 208. KZ FBiH-a (bludne radnje)** nad mladb B.B. lišen je slobode i uz službeni izvještaj predat nadležnom tužilaštvu H.Amer (1987).

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 21 djelo (tri više) - nasilje u porodici, za čije izvršenje je prijavljeno 21 lice, a 11 je lišeno slobode.

Krivična djela nasilje u porodici evidentirana su na području općina: Ilidža – sedam, Novi Grad – četiri, Novo Sarajevo i Ilijaš – po tri, Centar i Vogošća – po dva djela.

1.2.5. KRIVIČNA DJELA PROTIV ZDRAVLJA LJUDI

Prijavljeno je 35 krivičnih djela iz oblasti protiv zdravlja ljudi (osam više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) – 30 djela.

Zbog postojanja osnova sumnje da su počinili navedena djela podneseni su službeni izvještaji protiv 34 lica, a 12 je lišeno slobode.

- Policijski službenici Uprave policije su u mjesecu maju ove godine Kantonalnom tužilaštvu Sarajevo podnijeli službene izvještaje protiv ukupno pet lica zbog postojanja osnova sumnje da su počinili krivično djelo **iz člana 238. KZ FBiH-a (neovlašćene proizvodnje i stavljanja u promet opojnih droga)**, te protiv 29 lica zbog postojanja osnova sumnje da su počinili krivično djelo **iz člana 239. KZ FBiH-a (posjedovanje i omogućavanje uživanja opojnih droga)**.

(Tabela 5.) Pregled oduzete količine opojnih droga u mjesecu maju 2013/12. godine

VRSTA OPOJNE DROGE	MAJ 2013 GOD.	MAJ 2012 GOD.
Marihuana (paketići)	11	63
Marihuana (JOINT - cigarete)	1	2
Marihuana (u gramima)	820,00	280
Heroin (paketići)	---	4
Kokain (paketići)	1	---
Amfetamin (u paketićima)	14	60
Cannabis (stabljike)	---	1
pribor sa ostacima droge (komada)	6	1

Podneseno je 12 zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 13 lica, tri stambena objekta i automobila po usmenim naredbama Opštinskog suda u Sarajevu.

1.2.6. KRIVIČNA DJELA PROTIV IMOVINE

U ovom mjesecu, registrovano je 401 krivično djelo protiv imovine, što je za 40 djela ili 9,1% manje u odnosu na isti mjesec prošle godine. Među djelima iz ove oblasti najbrojnija su: teška krađa – 237 djela (55 manje), krađa – 72 (osam manje), razbojništvo – 43 (18 više), oštećenje tuđe stvari – 21 (tri više), teška krađa u pokušaju – devet (dva više), prijevara – devet (tri više), itd.

Za ukupno 179 ovih djela ili 44,6% identifikovan je osumnjičeni izvršilac (za 9,1% manje u odnosu na uporedni mjesec).

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i "provale" u ista) - 116 puta (tri više), stambeni objekti – 78 (18 više), poslovni objekti – 34 (23 manje), itd.

-

Takođe, u mjesecu maju ove godine izvršena su 64 krivičnih djela teških krađa motornih vozila od čega je 17 ili 26,6% pronađeno i vraćeno vlasnicima (od strane policije MUP-a KS vraćeno je 11 vozila, MUP RS-a – jedno, sami vlasnici su sami pronašli – četiri i uz novčanu nadoknadu vraćeno je jedno vozilo).

Broj teških krađa motornih vozila, smanjen je za šest ili 8,6%. (tabela 7.)

(Tabela 6.) Tabela prikaz broja otuđenih i vraćenih putničkih motornih vozila na području Kantona Sarajevo po policijskim upravama u mjesecu maju 2013. godine

POLICIJSKA UPRAVA	I PU	II	III PU	IV PU	V PU	UKUPNO
broj otuđenih pmv	11	16	18	17	2	64
broj vraćenih pmv	3	7	3	4	0	17
% vraćenih pmv	27,3%	43,8%	16,7%	23,5%	0%	26,6%

Policijski službenici su tokom mjeseca maja, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv 13 lica (četiri više).

(Tabela 7.) Pregled broja otuđenih motornih vozila na području Kantona Sarajevo po policijskim upravama u mjesecu maju 2013/12. godine

POLICIJSKA UPRAVA	I PU	II	III PU	IV PU	V PU	UKUPNO	
broj otuđenih vozila–maj 2013.g	11	16	18	17	2	64	
broj otuđenih vozila–maj 2012. g.	19	25	15	10	1	70	
uporedba maj 2013/12. godine	+, -	-8	-9	3	7	1	-6
	%	-42,1%	-36%	20%	70%	100%	-8,6%


Prijavljena su 72 krivična djela krađe (osam manje), koje su izvršene 26 puta u poslovne prostorije (četiri manje), 10 u stambene objekte (15 manje), devet u vozilima i na stajalištima GRAS-a (tri više), 14 puta na ulici (jedna manje), ugostiteljskim objektima – četiri, sportskim kladionicama – tri, itd., odakle su otuđivani novčanici, prehrambeni proizvodi, kozmetika, tehnička roba, bicikli, alati, itd.

Registrovana su 43 krivična djela razbojništva (18 više), od čega je za ukupno 19 djela identifikovan osumnjičeni izvršilac ili 44,2% što je za 39,8% manja „rasvijetljenost“.

-

Ova djela evidentirana su na području slijedećih općina: Novo Sarajevo – 23 (12 više), Centar – šest (isti broj), Novi Grad – tri (isti broj), Ilidža – šest (četiri više), Stari Grad – tri djela (dva više), itd.

DIJAGRAM br.1 Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS




Razbojništva su izvršena prijetnjom upotrebe vatrenog oružja - 17 puta, prijetnjom upotrebe noža - 14 i upotrebom fizičke snage – 12 puta, a počinjena su u prodavnicama – 21 puta, na ulici - 14, u sportskim kladionicama – pet, itd. Otudivan je novac, mobiteli i nakit.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 10 lica (od čega je osam povratnika ili 80%), a pet je lišeno slobode.

Evidentirano je 25 krivičnih djela teških krađa na naročito opasan ili naročito drzak način (šest manje), u kojima su izvršioc, upotrebom fizičke snage – 15 puta, te verbalnom prijetnjom u 10 slučajeva, otimali nakit, novac i mobitele. Ova djela izvršena su na otvorenom prostoru – (ulica, park, GRAS-ova stajališta i sl.) – 17 puta, u poslovnom prostoru - četiri, u tramvaju – dva, itd.

Za ukupno 13 ovih krivičnih djela identifikovani su osumnjičeni izvršioc ili 52% što je za 12,5% manje. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv devet lica (od čega je osam povratnika ili 88,9%), a tri su lišena slobode.

DIJAGRAM br.2 Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 15 djela (sedam više) i to: - izazivanje opće opasnosti – deset, uništenje ili oštećenje važnih privrednih objekata ili javnih naprava - tri i nesavjesno čuvanje pasa i drugih opasnih životinja – dva djela. Zbog postojanja osnova sumnje da su počinili krivična djela iz ove oblasti nadležnom tužilaštvu podneseni su službeni izvještaji protiv deset lica, a sedam je lišeno slobode.

- Sva krivična djela izazivanja opće opasnosti izvršena su na otvorenom prostoru. Dva puta je otvorenim plamenom izazvan požar, u pet slučajeva pucano je iz vatrenog oružja i u tri slučajaja je aktivirana nepoznata eksplozivna naprava. Posljedica izvršenja navedenih djela je ranjavanje jednog lica i nastala materijalna šteta.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 31 krivično djelo (jedno manje): nasilničko ponašanje – 14, nedozvoljeno držanje oružja ili eksplozivnih materija i krivotvorenje isprave – po sedam, napad na službenu osobu u vršenju poslova sigurnosti – dva i spriječavanje službene osobe u vršenju službene radnje – jedno djelo. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 43 lica, a 14 je lišeno slobode.

1.3. KRIVIČNA DJELA POČINJENA OD STRANE MALOLJETNIH IZVRŠILACA


U toku mjeseca maja 2013. godine **prijavljeno je 18 maloljetnih lica** zbog postojanja osnova sumnje da su **izvršili 26 krivičnih djela**. U poređenju sa istim mjesecom 2012. godine, broj krivičnih djela za čije izvršenje su prijavljena maloljetna lica smanjen je za tri ili 10,3%, a broj prijavljenih maloljetnih učinilaca krivičnih djela smanjen je za sedam ili 28%. Od ukupnog broja krivičnih djela za koja su prijavljeni maloljetnici, 13 je izvršeno u toku 2011. i 2012. godine.

Pregled broja maloljetnih izvršilaca krivičnih djela za mjesec ma j 2013. godine
prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	1	8	9	18

Među maloljetnim učiniocima krivičnih djela, jedan je u dobi do 14 godina, osam je u dobi od 14 do 16 godina, a devet u dobi od 16 do 18 godina. Maloljetnih povratnika u izvršenju krivičnih djela je bilo sedam (ili 38,9%).

Grafički prikaz broja krivičnih djela izvršenih od strane maloljetnih izvršilaca u toku mjeseca maja 2013. godine,
po policijskim upravama



Najveći broj krivičnih djela odnosi se na teške krađe (sedam) i teške krađe na naročito drzak i opasan način (pet). U odnosu na isti mjesec prošle godine povećan je broj krivičnih djela teških krađa na naročito drzak i opasan način, znatno je smanjen broj krivičnih djela krađa, dok u ostalim slučajevima nije bilo većih oscilacija.

Pregled registrovanih krivičnih djela izvršenih od strane maloljetnih lica-mjesec maj 2013/2012. godine

Naziv krivičnog djela	maj 2013.	maj 2012.	Uporedba
<i>Lahka tjelesna povreda</i>	1	0	+1
<i>Ugrožavanje sigurnosti</i>	0	2	-2 ili -100%
<i>Nasilje u porodici</i>	1	0	+1
<i>Posjedovanje opojne droge</i>	2	0	+2
<i>Krađa</i>	2	11	-9 ili -81,8%
<i>Krađa-pokušaj</i>	0	1	-1 ili -100%
<i>Teška krađa</i>	7	7	0

<i>Teška krađa-pokušaj</i>	0	2	-2 ili -100%
<i>Teška krađa na naročito drzak i opasan način</i>	5	2	+3 ili 150%
<i>Razbojništvo</i>	1	1	0
<i>Oštećenje tuđe stvari</i>	1	0	+1
<i>Nesavjesno čuvanje pasa i dr. opasnih životinja</i>	1	0	+1
<i>Izazivanje opće opasnosti</i>	1	0	+1
<i>Teška krivična djela protiv sigurnosti javnog prometa</i>	1	0	+1
<i>Sprečavanje službene osobe u vršenju službene radnje</i>	1	0	+1
<i>Napad na službenu osobu u vršenju poslova sigurnosti</i>	0	1	-1 ili -100%
<i>Nasilničko ponašanje</i>	1	1	0
<i>Nedozvoljeno držanje oružja ili eksplozivnih materija</i>	1	0	+1
<i>ZONDINOM (čl. 52)</i>	0	1	-1 ili -100%
<i>ukupno</i>	26	29	-3 ili -10,3%

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca maja 2013. godine na području Kantona Sarajevo registrovana su dva slučaja aktiviranja minsko-eksplozivnih sredstava (isto kao i u uporednom mjesecu prošle godine) usljed čega je nastupila materijalna šteta na stambenim objektima.

Općina	Ulica i mjesto eksplozije	Datum i vrijeme	Posljedice	Izvršilac
Stari Grad	Zelenih beretki 14, krov ljetne bašte ugostiteljskog objekta	12. maja oko 05,55 sati	Oštećenja fasade i prozora stana	nepoznat
Novo Sarajevo	Ruđera Boškovića 69, dvorište porodične kuće	30. maja oko 01,40 sati	Oštećenja na fasadi kuće	nepoznat

Preduzimajući aktivnosti na rasvjetljavanju okolnosti pronalaska ručnih bombi od strane dva maloljetna lica, policijski službenici su došli do saznanja da su ova lica aktivirala jednu ručnu bombu na nepristupačnom terenu pored korita rijeke Miljacke u aprilu mjesecu ove godine, te je protiv istih

nadležnom tužilaštvu podnesen službeni izvještaj zbog postojanja osnova sumnje da su izvršili krivično djelo iz člana 323 KZ FBiH (izazivanje opće opasnosti).

U proteklom mjesecu ove godine nije bilo registrovanih anonimnih dojava o postavljenim eksplozivnim napravama (u istom mjesecu 2012. godine dvije). Policijski službenici su identifikovali maloljetnika koji je u aprilu mjesecu ove godine uputio lažnu dojavu o postavljenoj eksplozivnoj napravi u srednjoj školi na području općine Centar i protiv njega je podnesen službeni izvještaj nadležnom tužilaštvu zbog postojanja osnova sumnje da je izvršio krivično djelo iz člana 183 KZ FBiH (ugrožavanje sigurnosti).

1.4.2. POŽARI

Tokom mjeseca maja 2013. godine, na području Kantona Sarajevo registrovano je 14 požara (četiri više), koji su za posljedicu imali materijalnu štetu.

Požari su registrovani na području općina: Stari Grad, Centar i Ilidža – po tri, Novo Sarajevo i Ilijaš – po dva i Trnovo – jedan požar.

Prema statističkim pokazateljima, četiri požara su izazvana namjerno, dva nehatom, dva zbog tehničkih nedostataka, dok uzrok šest požara spada u kategoriju ostalih.

1.4.3. OSTALE AKTIVNOSTI

U mjesecu maju ove godine, pripadnici policije su u sklopu operativnih aktivnosti izvršili pretres 45 lica, 13 stanova, izvršili utvrđivanje identiteta za 53 lica i lišili slobode sedam lica za kojima je bila raspisana potjernica. Takođe, pruženo je 38 asistencija i to na zahtjev državnih organa 30 i po zahtjevu organa i organizacija javnih ovlašćenja – osam asistencija.

U cilju dokumentovanja krivičnih djela i identifikacije izvršilaca, izvršeno je 319 uviđaja, pronađena i obrađena 642 traga, u 271 slučaju fotografisano je lice mjesta, 23 puta je skicirano, izvršena su 143 vještačenja i daktiloskopirano 29 lica.

U okviru potražne djelatnosti raspisano je 18 potjernica od strane sudova Kantona Sarajevo, a 18 je obustavljeno. Takođe, zaprimljeno je osam prijava o nestalim licima, a sedam je obustavljeno.

U okviru depešnog saobraćaja predate su 2.274 depeše, primljene 4.704, zatim tranzitirane 863, za područje RS-a i Granične policije predate 23 depeše, što ukupno iznosi 7.864 obrađene i razmjenjene depeše.

Za potrebe tužilaštva i drugih nadležnih organa izvršeno je 2.538 provjera iz evidencija, na zahtjev građana izdato 355 uvjerenja o njihovoj osuđivanosti ili neosuđivanosti, izvršena 34 brisanja osuda iz evidencija u nadležnosti Ministarstva, otvoreno 85 novih dosja i evidentirana 462 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

1.4.4. SAMOUBISTVA

U mjesecu maju 2013. godine na području Kantona Sarajevo registrovana su tri samoubistva (jedno više) i to na području općina Hadžići – dva i Ilidža - jedno, koja su izvršena upotrebom vatrenog oružja u dva slučaja i vješanjem - jednom, a izvršioци su tri muškarca u dobi preko 40 godina.


2. JAVNI RED I MIR

Policijski službenici MUP-a Kantona Sarajevo su u toku mjeseca maja 2013. godine, protiv učinilaca prekršaja kojima se narušava javni red i mir preduzeli ukupno 532 prekršajne sankcije (94 ili 21,5% više u odnosu na maj 2012. godine). Sankcije su preduzete protiv 594 lica (111 ili 23% više).

Najveći broj prekršajnih sankcija odnosi se na prekršaje utvrđene Zakonom o prekršajima protiv javnog reda i mira (485 ili 91,2%), dok se na prekršaje utvrđene Odlukom općinskih vijeća o javnom redu i miru odnosi 47 ili 8,8% sankcija.


Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2012. godine), dok je lakše povrijeđeno 35 lica (tri ili 9,4% više).

Grafički prikaz broja prekršajnih sankcija preduzetih u toku mjeseca maja 2013./2012. godine,
po policijskim upravama (i Jedinica za saobraćaj)



Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (301 ili 56,6% od ukupnog broja), a zatim Druge (73 ili 13,7%), Treće (43 ili 8,1%), Četvrte (58 ili 10,9%), te Pete policijske uprave (48 ili 9%). Službenici Jedinice za saobraćaj MUP-a Kantona Sarajevo uručili su devet prekršajnih naloga (ili 1,7%).

Grafički prikaz broja prekršajnih sankcija u toku mjeseca maja 2013./2012. godine, po policijskim stanicama



Povećanje broja prekršajnih sankcija, u odnosu na mjesec maj 2012. godine, imale su policijske stanice:

- Stari Grad (za 106 ili 189,3%);
- Centar (za 31 ili 28,7%);
- Vogošća (za 17 ili 170%);
- Hadžići (za 18 ili 112,5%) i
- Ilijaš (za tri ili 16,7%%).

Smanjenje broja prekršajnih sankcija imale su policijske stanice:

- Novo Sarajevo (za 50 ili 40,7%);
- Novi Grad (za 22 ili 33,8%);
- Ilidža (za sedam ili 22,6%) i
- PO Trnovo (za dva ili 100%).

Jedinica za saobraćaj imala je isti broj prekršajnih sankcija kao i u mjesecu maju 2012. godine.

Tabelarni pregled strukture prekršaja iz oblasti javnog reda i mira
za mjesec maj 2013./2012.godina

PREKRŠAJI IZ ZAKONA O JRIM:	MAJ 2013.	MAJ 2012.	UPOREDBA
<i>-Tuče</i>	94	69	+25 ili 36,2%
<i>-Naročito drsko ponašanje</i>	78	70	+8 ili 11,4%
<i>-Odbijanje naređenja i omalovaž. pol. služb.</i>	34	50	-16 ili -32%
<i>-Prosjaćenje</i>	192	119	+73 ili 61,3%
<i>-Svađa, vika, nepristojno ponašanje</i>	18	9	+9 ili 100%
<i>-Paljenje petardi</i>	3	0	+3
<i>-Ostali prekršaji iz Zakona o JRiM</i>	66	65	+1 ili 1,5%
Prekršaji prema Odluci općinskog vijeća o JRiM	47	56	-9 ili -16,1%
ukupno	532	438	+94 ili 21,5%

Najbrojniji su prekršaji učinjeni prosjačenjem (192 ili 36,1%), zatim tučama (94 ili 17,7%), naročito drskim ponašanjem (78 ili 14,7%), te odbijanjem naređenja i omalovažavanjem policijskih službenika (34 ili 6,4%). Zbog prekršaja učinjenih svađom, vikom i nepristojnim ponašanjem preduzeto je 18, zbog paljenja petardi tri i zbog svih ostalih prekršaja 66 prekršajnih sankcija. Zbog prekršaja koji su utvrđeni Odlukom općinskih vijeća o javnom redu i miru preduzeto je 47 prekršajnih sankcija.

U odnosu na isti mjesec 2012. godine, u proteklom mjesecu **smanjen je** je broj prekršajnih sankcija zbog prekršaja učinjenih **odbijanjem naređenja i omalovažavanjem policijskih službenika**, te zbog prekršaja koji su sankcionisani u skladu sa Odlukom općinskih vijeća o javnom redu i miru. U svim ostalim slučajevima došlo je do povećanja broja prekršajnih sankcija.

Najveći broj prekršajnih sankcija preduzet je zbog prekršaja kojima se narušava javni red i mir na ulici i na drugim otvorenim prostorima (441 ili 82,9%), a znatno manje u ugostiteljskim objektima (26 ili 4,9%), trgovinskim radnjama (osam), na sportskim terenima (sedam) u školama i školskim dvorištima (šest), vozilima javnog saobraćaja (jedan) i na ostalim mjestima (43).

Tabelarni pregled broja preduzetih prekršajnih sankcija
u mjesecu maju 2013/2012. godine, prema mjestu izvršenja

MJESTO IZVRŠENJA	MAJ 2013.	MAJ 2012.	UPOREDBA
Ugostiteljski objekti	26	34	-8 ili -23,5%
Ulice i drugi otvoreni prostori	441	353	+88 ili 24,9%
Vozila javnog saobraćaja	1	1	0
Sportski stadioni i dvorane	7	5	+2 ili 40%
Škole i školska dvorišta	6	8	-2 ili -25%
Trgovine i zanatske radnje	8	4	+4 ili 100%
Ostala mjesta	43	33	+10 ili 30,3%
UKUPNO	532	438	+94 ili 21,5%

U odnosu na isti mjesec 2012. godine, u proteklom mjesecu smanjen je broj prekršaja izvršenih u ugostiteljskim objektima i u školama i školskim dvorištima, broj prekršaja izvršenih u vozilima javnog prevoza je nepromijenjen, dok je broj prekršaja izvršenih na svim ostalim mjestima povećan.

Kada su u pitanju krivična djela izvršena u školama i školskim dvorištima, u mjesecu maju ove godine podneseno je šest službenih izvještaja (u istom mjesecu 2012. godine sedam) zbog sljedećih krivičnih djela: lahka tjelesna povreda- jedno djelo, nasilničko ponašanje- dva djela, razbojništvo- dva djela i ugrožavanje sigurnosti-jedno djelo.

Prema starosnoj strukturi lica protiv kojih su preduzete prekršajne sankcije najbrojniji su oni preko 36 godina (290), zatim između 26 i 35 godina (164) i između 19 i 25 godina (123), dok je maloljetnih izvršilaca bilo 17. Među učiniocima prekršaja iz oblasti javnog reda i mira, 51 je povratnik u izvršenju ovih prekršaja.

Policijski službenici su u toku mjeseca maja 2013 godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su sva javna okupljanja protekla bez narušavanja javnog reda i mira. Policijski službenici bili su angažovani na osiguranju 268 javnih skupova (isto kao i u mjesecu maju 2013. godine), a u 30 slučajeva (pet više) izvršeno je KDZ osiguranje ovih skupova.

U toku mjeseca maja 2013. godine, policijski službenici bili su angažovani na osiguranju dva protestna okupljanja građana (isto kao i u mjesecu maju 2012. godine).

3. SAOBRAĆAJ

Tokom mjeseca maja 2013. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda i nezgoda sa materijalnom štetom, dok je smanjen broj poginulih i povrijeđenih lica. Broj nezgoda sa nastradalim licima isti je kao u maju prošle godine.

Evidentirano je 825 saobraćajnih nezgoda (12 ili 1,5 % više), 754 sa materijalnom štetom (12 ili 1,6 % više) i 71 sa nastradalim licima (isto).

U naselju su registrovane 783 saobraćajne nezgode (jedna sa poginulim, 65 sa povrijeđenim licima i 717 sa materijalnom štetom), van naselja 42 nezgode (pet sa povrijeđenim licima i 37 sa materijalnom štetom).

Evidentirana je 151 saobraćajna nezgoda na raskrsnicama u naselju, osam na nadvožnjaku, pet na raskrsnicama van naselja, tri na pješačkom prelazu, dvije na mostu, jedna na prelazu preko željezničke pruge i 655 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
za mjesec maj 2013/2012. godina

	maj 2013	maj 2012	+ ,-, %
UKUPNO SAOBRAĆAJNIH NEZGODA	825	813	+ 12 ili 1,5 %
Saobraćajne nezgode sa nastradalim licima	71	71	isto
Saobraćajne nezgode sa materijalnom štetom	754	742	+ 12 ili 1,6 %
POGINULO LICA	1	4	- 3 ili 75 %
- vozači	1	1	isto
- putnici	0	0	-----
- pješaci	0	3	- 3
POVRIJEĐENO LICA	88	90	- 2 ili 2,2 %
- vozači	40	41	- 1 ili 2,4 %
- putnici	26	20	+ 6 ili 30 %
- pješaci	22	29	- 7 ili 24, 1 %

Najveći broj saobraćajnih nezgoda evidentiran je na području općina: Centar (172) i Novi grad (170). Najveće povećanje broja saobraćajnih nezgoda registrovano je na području općine Ilidže (za 42 ili 34,4 %), a smanjenje na području općine Centar (za 56 ili 24,6 %).

Tabelarni pregled broja saobraćajnih nezgoda po općinama
za mjesec maj 2013/2012. godina

mjesec maj	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Iliđža	Hadžići	Trnovo	Vogošća	Ilijaš	
2013	73	172	159	170	164	18	2	45	22	825
2012	56	228	157	147	122	18	5	47	33	813
+, -, %	+ 17 ili 30,5 %	- 56 ili 24,6 %	+ 2 ili 1,3 %	+ 23 ili 15,6 %	+ 42 ili 34,4 %	isto	- 3 ili 60 %	- 2 ili 4,2 %	- 11 ili 33,33 %	+ 12 ili 1,5 %

3.1. POSLJEDICE SAOBRAĆAJNIH NEZGODA

Tokom mjeseca maja 2013. godine, u saobraćajnim nezgodama na području Kantona Sarajevo 89 lica je nastradalo (pet ili 5,3 % manje). Jedno lice je poginulo⁶ (tri manje), dok je 88 lica povrijeđeno (dva ili 2,2 % manje), devet teže i 79 lakše.

Među povrijeđenim licima evidentirano je:

- 40 vozača (jedan manje)
- 26 putnika (šest više)
- 22 pješaka (sedam manje)

Tabelarni pregled nastradalih lica u saobraćajnim nezgodama po kategoriji učesnika
za mjesec maj 2013/2012. godina

⁶ Dana 14. 05.2013. godine na magistralnom putu M 18, u Ulici Jošanička (općina Vogošća), poginuo je H. A. (28) – vozač motocikla.

	POGINULO			TEŠKO POVRIJEĐENO			LAKŠE POVRIJEĐENO		
	maj 2013	maj 2012	+,-,%	maj 2013	maj 2012	+,-,%	maj 2013	maj 2012	+,-,%
VOZAČI	1	1	isto	3	6	- 3 ili 50 %	37	35	+ 2 ili 5,7 %
PUTNICI	0	0	-----	3	5	- 2 ili 40 %	23	15	+ 8 ili 53,3 %
PJEŠACI	0	3	- 3	3	8	- 5 ili 62,5 %	19	21	- 2 ili 9,5 %
UKUPNO	1	4	- 3 ili 75 %	9	19	- 10 ili 52,6 %	79	71	+ 8 ili 11,3 %

Kada je u pitanju stepen povreda, tri vozača su teže, a 37 lakše povrijeđeno, tri putnika su teže, a 23 lakše povrijeđena, dok su tri pješaka teže i 19 lakše povrijeđeno.

Najveći broj povrijeđenih lica registrovan je na području općina: Novo sarajevo – 25 (dva teže i 23 lakše) i Ilidža – 25 (dva teže i 23 lakše).

Posljedice saobraćajnih nezgoda po policijskim upravama/stanicama za mjesec maj 2013/2012. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		maj 2013	maj 2012	uporedba	maj .2013	maj 2012	uporedba	maj 2013	maj 2012	uporedba
I PU	Stari grad	0	1	- 1	0	4	- 4	6	1	+ 5 ili 500 %
	Centar	0	1	- 1	1	1	isto	3	15	- 12 ili 80 %
II PU	Novo Sarajevo	0	0	-----	2	1	+ 1 ili 100 %	23	10	+ 13 ili 130 %
III PU	Novi Grad	0	0	-----	2	3	- 1 ili 33,3 %	15	19	- 4 ili 21 %
IV PU	Ilidža	0	0	-----	2	7	- 5 ili 71,4 %	23	17	+ 6 ili 35,3 %
	Hadžići	0	1	- 1	0	0	-----	1	2	- 1 ili 50 %
	Trnovo	0	0	-----	0	0	-----	0	0	-----
V PU	Vogošća	1	0	+ 1	2	3	- 1 ili 33,3 %	5	3	+ 2 ili 66,7 %
	Ilijaš	0	1	- 1	0	0	-----	3	4	- 1 ili 25 %
UKUPNO		1	4	- 3 ili 75 %	9	19	- 10 ili 52,6 %	79	71	+ 8 ili 11,3 %

Starosna struktura lica povrijeđenih u saobraćajnim nezgodama je: od 25 do 30 godina –21 lice, od 21 do 24 godine – 13 lica, od 31 do 40 godina – 12 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju –701 nezgoda u kojoj je 60 lica povrijeđeno, na magistralnim putevima – 84 nezgode u kojima je 21 lice nastradalo (jedno lice poginulo, 20 povrijeđeno), na lokalnim putevima –23 nezgode (šest lica povrijeđeno), na regionalnim putevima –devet nezgoda (bez povrijeđenih lica) i na putevima koji se ubrajaju u kategoriju ostalih - osam saobraćajnih nezgoda (dva lica povrijeđena).

3.1. UZROCI SAOBRAĆAJNIH NEZGODA

Od ukupno 825 uzroka saobraćajnih nezgoda, 123 su bila zbog neprilagođene brzine (29 lica povrijeđeno), 29 zbog uticaja alkohola (12 lica povrijeđeno), dok uzroci za 673 saobraćajne nezgode spadaju u kategoriju ostalih (jedno lice poginulo, 47 lica povrijeđeno).

Evidentirane su tri saobraćajne nezgode (četiri manje), u kojima su učestvovali pripadnici MUP-a (dvije saobraćajne nezgode u kojima su učestvovali pripadnici MUP-a Kantona Sarajevo i jedna nezgoda u kojoj je učestvovao pripadnik FMUP-a). U navedenim saobraćajnim nezgodama nije bilo nastradalih lica.

Evidentirane su 33 saobraćajne nezgode (pet više) u kojima su učestvovali inostrani vozači i četiri nezgode (četiri manje) u kojima su učestvovali vozači EUFOR-a i diplomatskog kora (bez nastradalih lica).

3.2. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec maj 2013 /2012. godine

	maj 2013/2012	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2013	21.638	4.904	2.734	3.721	3.369	2.172	4.738
	2012	19.972	3.322	2.379	3.478	4.210	2.136	4.447
broj uručenih prekršajnih naloga	2013	15.387	4.339	1.897	1.243	939	1.077	5.892
	2012	12.779	2.657	1.264	1.015	1.063	783	5.997
broj zahtjeva za p.p.p.	2013	36	4	2	26	0	3	1
	2012	28	12	2	0	2	7	5
broj isključenih vozila iz saobraćaja zbog tehničke neispravnosti	2013	27	3	1	5	0	0	18
	2012	80	0	4	0	0	0	76
broj vozača zatečenih da upravljaju vozilom pod dejstvom alkohola	2013	408	72	102	15	22	44	153
	2012	472	95	61	32	39	49	196
broj vozača zatečenih da upravljaju vozilom bez korištenja sig. pojasa	2013	742	90	310	52	91	199	0
	2012	1.018	134	258	52	162	202	210
broj vozača zatečenih da upravljaju vozilom bez položenog vozačkog ispita	2013	325	35	67	31	18	10	164
	2012	289	56	45	31	27	17	113
broj vozača zatečenih da upravljaju vozilom pod izrečenom zaštitnom mj.	2013	0	0	0	0	0	0	0
	2012	1	0	0	0	1	0	0
broj vozila otkrivenih da učestvuju u saobraćaju bez važeće registracije	2013	242	38	41	31	22	21	89
	2012	278	26	24	30	37	25	136

Tokom mjeseca maja 2013. godine, kontrolisano je ukupno 21.638 vozila (1.666 više), 5.960 lica u vozilima (79 više), izvršen je pregled 640 vozila (206 više) i 516 lica u vozilima (144 više).

Zbog tehničke neispravnosti iz saobraćaja je isključeno 27 vozila (53 manje), 408 vozača je zatečeno da upravljaju vozilom pod dejstvom alkohola (64 manje), 742 bez korištenja sigurnosnog pojasa (276 manje), 325 bez položenog vozačkog ispita (36 više), a 242 vozača su učestvovala u saobraćaju bez važeće registracije (36 manje).

Zbog kršenja propisa iz oblasti sigurnosti saobraćaja uručeno je 15.387 prekršajnih naloga vozačima (2.608 više u odnosu na maj prošle godine) i podneseno 36 zahtjeva za pokretanje prekršajnog postupka (osam više). Evidentirana su četiri krivična djela zbog ugrožavanja sigurnosti javnog prometa (dva manje).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca maja 2013. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 6.249 prekršajnih naloga vozačima (3.016 više), upozorena su 534 vozača (146 više), a specijalnim vozilom "pauk" premještena su 232 vozila (pet manje).

Najveći broj vozača koji su vozila nepropisno parkirali i prema kojima su preduzimate odgovarajuće mjere, evidentiran je na području općina: Stari Grad –1.883 uručena prekršajna naloga, Centar – 1.781, itd.

U pogledu kontrole pješaka, uručeno je 126 prekršajnih naloga (68 više) i upozoreno 90 pješaka (pet manje).

4. ZAKONITOST U RADU

Tokom mjeseca maja 2013. godine, registrovana su dva napada (dva manje) na policijske službenike. Napadi su izvršeni na policijske službenike Prve i Treće PU od strane dva punoljetna lica.

Policijski službenici su u šest slučajeva upotrijebili silu (jedna više):

- fizičku snagu i sredstva za vezivanje – četiri puta
Prva PU – tri puta (PS Centar)

Jedinica za saobraćaj- jednom

fizičku snagu, hemijski sprej i sredstvo za vezivanje – jednom

Jedinica za specijalističku podršku

fizičku snagu – jednom

Operativno-komunikacijski centar

U pet slučajeva upotreba sile je od strane policijskog komesara ocijenjena kao opravdana, dok je u jednom slučaju postupak opravdanosti upotrebe sile u toku.

Tokom mjeseca maja 2013. godine registrovano je 26 predstavki na rad službenika policije među kojima je za devet predstavki (sedam manje) data saglasnost za sprovođenje unutrašnjih istraga, a za 17 predstavki je donesen zaključak da su neosnovane.

Postupano je po 20 predstavki iz ranijeg perioda, tako da je razmatrano ukupno 29 predstavki (sedam manje).

Okončano je devet unutrašnjih istraga, među kojima u šest slučajeva nije bilo dovoljno dokaza, u dva slučaja predstavke su osnovane i u jednom slučaju predstavka je neosnovana.

Takođe, uz saglasnost Ureda za pritužbe javnosti, postupano je po osam raznih akata koji nisu imali karakter predstavke.

4.1. PRAVNA REGULATIVA

Dostavljeno je mišljenje u vezi Prijedloga Pravilnika o izmjenama i dopunama Pravilnika o proceduri za unapređenje policijskih službenika.

Obavljane su aktivnosti oko sačinjavanja izvještaja, informacija i analiza, te davanja stručnih mišljenja i prijedloga za konkretnu problematiku.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I

NOŠENJU ORUŽJA I MUNICIJE

U mjesecu maju ove godine evidentirano je pet djela regulisanih ZONDINOM-om (dva manje) počinjenih od strane pet lica od kojih su dva lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: sedam pištolja, dvije puške, tri ručne bombe, 11 „noževa, mačeva i sl.“, 84 komada municije raznog kalibra, itd.

Takođe, tokom izvještajnog mjeseca organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme.

U navedenoj akciji prikupljeno je slijedeće naoružanje: ručne bombe – šest komada, - granata – jedan kom., municija raznog kalibra – 156 komada.

U izvještajnom mjesecu fizičkim licima izdato je 79 odobrenja za nabavku vatrenog oružja (26 više) i 87 oružnih listova (14 manje).

6. RAD POLICIJE U ZAJEDNICI

U toku maja 2013. godine u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast,

sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti u ovoj oblasti u proteklom mjesecu, izdvajamo sljedeće:

- Priprema i održavanje nastave iz oblasti „Rad policije u zajednici“ za „Permanentnu obuku“.
- Izrečene su pohvale policajcima u zajednici PS Novo Sarajevo zbog dobijenog priznanja „Zlatna plaketa općine Novo Sarajevo“, za postignute rezultate. To je još jedna potvrda efikasnosti rada policije u zajednici oko jačanja sigurnosti i animiranja građana za saradnju sa policijom.

- Preduzimate su brojne aktivnosti oko neometanog obezbjeđenja provođenja manifestacije jubilarne „10. Kid's festival- Sarajevo 2013“. S tim u vezi održavani su sastanci u MUP-u Kantona Sarajevo u vezi rada na terenu, zatim sastanci sa nadležnim strukturama, učestvovalo je na pres konferencijama, pozvana je javnost na davanje aktivnije potpore manifestaciji, animirane su grupe učenika iz cijele Bosne i Hercegovine da prisustvuju manifestaciji.
- Održan sastanak u vezi provođenja kampanje „Budi policajka“, sa ciljem poticanja aktivnijeg prijavljivanja žena za poslove policajca.
- Održan sastanak radne grupe u vezi projekta „Probna policijska stanica u Upravi policije MUP-a Kantona Sarajevo“-„Razvoj novog organizacionog modela i modela ocjenjivanja na nivou policijske stanice u MUP-u Kantona Sarajevo“.

MINISTAR

Dipl. pravnik Nermin Pećanac